



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. II. De Dominatu Papali in Conscientias fidelium.

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

§. II.

De Dominatu Papali in Conscientias fidelium.

S U M M A R I A.

14. *Servitus, & Libertas simul stare non possunt. 15. Dominatus in Conscientias quid sit? & unde ortum habeat? 16. Iniquitatis arguitur. 17. Multo labore Protestantibus stetit ejus redemptio. 18. Argumenta Orthodoxorum pro Dominatu in Conscientias refert Boehmerus. 19. Subjunctis suis Resolutionibus. 20. Boehmeri Argumenta per ironiam laudantur. 21. Ipsi Protestantes hunc Dominatum in Conscientias ex ipsis testimonio exercuerunt in reformatos. 22. Libertas Conscientiae de fide sit suspecta.*
- 14 **S**ervitus, & Libertas res adeò oppositæ sunt, ut, ubi illa inducitur, hæc amplius salva, & illæsa confundere nequeat. *Libertas vincula odit, dominationem respuit: dum econtra servitus, & illa pati, & hanc ferre jubetur. Id quod status antiquæ servitudinis, jure Gentium introductæ, abundè declarat: inde est, quod Conscientia nostræ, si ab alieno nutu pendere debeant, libera amplius dici nequeant.* Audiamus Doctorem nostrum Hallensem, qui, postquam *Libertatem Conscientiae* in §. 13. libero omnino penicillo depinxisset, sic porro fari pergit: *Huic (videlicet CONSCIENTIAE LIBERTATI) opponitur DOMINATUS in Conscientiam, qui Libertatem banc prorsus tollit, cogitque homines paenit, malisque propositis, ut aliter sentiant, credant, agantque, quam ratio, & principia Religionis, cui adhaerent, ipsis dictitat, jubet, & precipit.* Et unde illa Dominatio iniquissima in Conscientias ortum habuit? ex Jure Romano, & Pontificio, respondet §. 3. *Utrunque enim crassissimum DOMINATUM in Conscientias fovet, alitque, libertatique Conscientiae infidias struit, uti noto notius est.* Huic Dominatu utique obviauerit *Instrumentum Pacis?* Ita est in Art. 17. §. 3. sic cautum fuit: *Nulla Iuris Canonica, vel Civilia, communia, vel speciaalia, Conciliorum Decreta, contra banc transactionem, ullumque ejus articulum, aut clausulam unquam allegari, audiri, aut admitti debere, quo ipso (testatur Boehmerus cit. §.) simul LIBERTATI CONSCIENTIAE, que utroque Jure prorsus conculcata erat, mirificè prospectum est.*
- Dominatum hunc iniquitatis quam plurimum habuisse, consequenter his verbis recenset: *Inde ortæ sunt persecutio[n]es contra eos institutæ, qui Dominatu huic resistunt, nec suas cogitationes, aut actiones ad præscriptum modum compone-re studuerunt. Inde heresis relata est inter crimina publica, paenit ultimi supplicii, aliisque afficienda, inquisitiones publicæ institutæ, imo bella etiam mota, & ferro, flammeisque sævitum in dissentientes, ignis enim à pluribus retrò sæculis unicum illud salutare remedium reputabatur, Conscientias constringendi, ut ab ore, nutu, & superstitione Cleri solummodo dependerent, & insunna ignorantia obbrutescerent laici. Papæ! quid audio. Si hac tyrannide Papæ in Conscientias hactenus grassati sunt, & etiamnum grassantur, profecto nec*

B

LU-

LUTHERO, nec BOEHMERO vitio vertendum est, quod in Summum Ecclesiæ Præfulem pari tyrannide uterque exardescat. Est hoc singulare Privilegium *Libertatis Conscientie*, ab utroque tam strenue, & pro virili assertæ, dicens, & scribere, quod libet.

17 Quanto verò labore hæc vexa redimenda fuerit, ut *Conscientiae Libertas* ex unguibus Papæ eriperetur, in §. 27. his verbis declarat, si magna molis fuit, *Romanam condere gentem, certè ingentis, imo majoris adhuc molis fuit, LIBERTATEM CONSCIENTIAE, in jure gentium fundatam, & Scriptura sacra stabilitam contra ROMANAM GENTEM in Germania vindicare, & in pristinum restituere statum, qui à Divino Numine ei prescriptus est. Alias dici solet, facilius quidvis dissolvi, & destrui, quam colligari, atque construi, sed in destruendo DOMINATU GENTIS ROMANÆ, Conscientius singulorum vim truculentam inferentis, labores ingentes, difficultates multo sanguine superande, & pericula extrema Germania nostra subeunda fuere, antequam legibus publicis LIBERTAS CONSCIENTIARUM protestantibus restitueretur, & DEO, quæ DEI essent, redherentur, utpote, cui unicè imperium in Conscientias afferendum est.*

**TANTÆ MOLIS ERAT
ROMANAM VINCE-
RE GENTEM.**

18 Multa quidem (scribit §. 23.) sunt argumenta, quibus Papa, & qui ejus partes tenent, *Dominatum in Conscientias stabilire nituntur. I. Quidem auctoritate S. AUGUSTINI, qui mutata sententia, Dominatum hunc Epist. 53. ad Vincentium his verbis defendit:*

Mea primitus sententia erat, neminem ad veritatem Christi esse cogendum, verbo esse agendum, disputatione pugnandum, ratione vincendum, ne fictos Catholicos habereamus, quos apertos Hæreticos noveramus. Sed hæc opinio mea non contradicentium verbis, sed demonstrantium superabatur exemplis. II. Quod Principis sit, propicere saluti subditorum, indeque obligari, ut Clericis saluti hominum invigilantibus manus auxiliares praebant. III. Interesse reipublicæ, ut una, & consonans sit religio. IV. Quia quies, & tranquilitas reipublicæ turbatur ex Religionum dissensione. V. Quod injuria fiat DEO per falsas Religiones: ergo, cum hæc DEI causa sit, injuria quæ eidem infertur, vi quoque ab Ecclesia propulsanda, & vindicanda est. Sed credisne, Boehmene, hæc argumenta à te solvi posse? mihi sanè tanti ponderis esse videntur, ut expugnatim impossibilia censeam. Verum, ut video, perspicacissimo, & illuminatissimo Boehmeri ingenio nihil impervium est, paratas jam offert solutiones. Et quidem

I. Ad authoritatem S. Augustini sic respondet cit. §. 23. Non RATIONE se S. Augustinus superatum esse ait, sed EXEMPLIS, quæ tamen, si cum ratione, & doctrina Christi pugnant, ipsum commovere non debuissent, ut à sana sententia recederet. Sed studium persequendi Donatistas induxit eum, ut mutaret sententiam, non sine dedecore, & ita posteris, Augustini auctoritate occæcatis, viam ostenderet, qua graffari possent in Conscientias hominum, libertatemque eorum penitus tollere. Meherclè ex tripode hæc Boehmerus! Ad II. Inde non fluere (scribit §. 24.) ut vi, ferro, flammisque

que in dissentientes seviatur. Adibibeantur media, quibus Christus usus est, admonitiones, preces, abhortationes, persuasiones: Religio enim non vult COGI, sed SUADERI. Ad III. Paucis se expedire, dicendo, non tam reipublicæ, quam Cleri Dominantis interesse, ut una & consonans sit Religio. Religio & cultus Divinus nihil commercii cum republika habet, & exempla docent, etiam rempublicam salvam esse posse sub doctrina DE TOLERANTIA. Ad IV. reponit: Hoc fieri per accidens, ex eorum potissimum zelo immaturo, qui Dominatum in Conscientias querunt. Hi compescendi, & ad studium pacis, & tolerantie compellendi. V. Argumentum valida retorsione concutit, dicendo: Quis iudicabit, DEO injuriam fieri in tanta Religionum discordia? Cur Magistratus non puniit avaritiam, ambitionem, luxuriam, invidiam, superbiam, aliisque vitia mortalia, quibus etiam injuria DEO infertur? An DEUS commisit Magistratus hujusmodi vindictam, que ad reservata ejus pertinet? Atque his doctissimis Boehmeri resolutionibus orthodoxos penitus exarmatos quis non videt?

20 Ponderatis argumentis, que Boehmerus tum pro Libertate Conscientiae tuenda, tum pro Dominatu Papali, seu Libertatis hujusce hoste infensissimo, penitus supprimendo, in medium adduxerat, jam meam quoque Conscientiam dulci illo Libertatis spiritu titillari animadverti, & parum absfuit, quin jugum Papale generoso ausu execute-

21 rem. Verum haec meditantem à proposito aliorum protestantium exempla rursus abstraxerunt, quos Libertatem Conscientiae, quam sibi strenue asseruerant, aliis, nempe reformatis denegar-

se apud Boehmerum lego. Ita enim ille §. 34. Negari nequit, eos (protestantes) sua sponte contra alios quoque eadem ferè arma sumpsisse, quibus Catholici contra eos usi erant, --- Postquam enim in Germania plures reformatæ Religioni sese addicerent, Lutherani, ubi prævalebant, haud veriti sunt, eos persequi, expellere, à pace excludere, & eodem in eos jure uti, quo Pontifici antea in protestantes usi erant. Mota tunc principaliter questio fuit (pergit in §. 35.) An reformati pace religiosa, hoc est, Libertate Conscientiae frui queant? Denegasse eam Theologos, & JCtos protestantes reformatis Dedeckens Consil. tom. 1. part. 1. lib. 3. sect. 6. Et Andreas Cranius dissert. de Pace religios. & Libert. Conscient. part. 1. proplem. 13. docent. Controversiæ huic tandem finis impositus est per instrumentum pacis art. 7. §. 1. quo cautum fuit, ut, quidquid juris, & beneficii cæteris Catholicis, & A. C. ad dictis statibus, subditisque tributum est, id etiam reformati competere debeat. Et tamen ipso Boehmero perhibente, haec veritas omnibus Protestantibus usque modo persuaderi non potuit. Optandum sane foret (inquit) ejus vestigia non extare, que immaturus zelus quorundam prodidit, & spiritum persecutionis manifestavit, quem alias in Pontificiis maiores exprobaverunt. Plura circa hoc punctum videri poterunt apud Arnold in der Becher-Historia part. 2. lib. 16. cap. 31. §. 26. & seqq.

Quare, cùm videam, Dominatum 22 illum in Conscientias, quem Papæ non satis cautè, & circumspectè Boehmerus affingit, suæ Sectæ hominibus non displicere; idcirco illa ab ipso miris laudibus commendata Conscientiae Libertas

mihi maximopere suspecta fit, imo, ut
mox aperiam, argumenta, quibus can-
dem stabilire conatur, ne tenui quidem

probabilitate nituntur, sed perpetuis
contradictionibus, & inanitatibus cere-
brinis vix stolidæ plebi fucum faciunt.

§. III.

*Libertas Conscientiae in vincula conjicitur, & Dominatus
Papalis in Conscientias ab improperiis Bœhmeri vindicatur.*

S U M M A R I A.

23. Ferina est Libertas Conscientiae. 24. Quæ in Bœhmero multis erroribus obsita ex-
hibetur. 25. Remedium omne respuit. 26. Alter S. Augustinus erroneæ Con-
scientiae sue consuluisse ostenditur. 27. Consilium, & remedium à Clero Romano
non esse petendum, Bœhmerus contendit, ejus temeritas castigatur. 28. Quam
Regulam dirigendæ Conscientie Bœhmerus proponat, inquiritur. 29. Dicit esse
Sac. Scripturam. 30. Confutatur. 31. Quis authenticus S. Scripturæ Interpres,
indagatur, & rursus Bœhmeri Sententia reprobatur. 32. Bœhmerus vult Pon-
tificios in hac doctrina inconstantiae arguere, sed itendide vapulat. 33. Quæ
ergo ex mente Bœhmeri certa fidei norma sit, queritur. 34. Ejus erroneous con-
ceptus revelatur. 35. Bœhmero suadetur, ut S. Augustinum in quærenda verita-
te, & Regula Conscientiae amuletur. 36. Verum non persuadetur. 37. In an-
gustias redactus Conscientie Libertatem pro norma Conscientiae præscribit. 38. Quod
zamen ostenditur, esse contra S. Scripturam, 39. & ex hac libertate natas fuisse
omnes heres. 40. Ab ipsis hereticis repudiata, 41. & Protestantibus in no-
stro Imperio Germanico. 42. Nec ab ipso Bœhmero defendi. 43. Summe inju-
riam existere Divine Providentie. 44. Dominatus in Conscientias vindicatur.
45. Nulli Ecclesia per vim fidem obtrudit. 46. Ecclesia habet evidentia credibi-
litatis motiva. 47. Quando Ecclesia citra violentiam fidem imperet. 48. In
quos Ecclesia gladio, & igne animadvertis. 49. S. Augustinus à Calumnia
Bœhmeri vindicatur, & Dominatus Papalis ab improperiis Bœhmeri absolvitur.

23 **E**st hoc ferarum omnium commu-
ne fatum, ut Libertas, in qua à na-
tura primitus constituuntur, ipsis
damno, & exitio frequentissimè existat;
videas palantes per agros, per nemora,
per saltus discurrere, & cum maximè
Libertatem videntur consecuti, præci-
piti cursu incautas in laqueos incidere,
cujus suæ calamitatis authorem, si fari
possent, quem alium, quam ipsam...

quam cœco impetu sequebantur, & sto-
lide adamabant, ream agerent Libertatem.
Ita prorsus iis evenire existimo,
qui excuso suavi Christi jugo, contem-
ptisque Ecclesie legibus, ipsis sibi in
conscientia sua Aram Libertatis erigunt.
Volunt hi Conscientias suas à vinculo
legum adeo esse solutas, ut aliam eis le-
gem ponì non posse arbitrentur, præ-
ter illam, quam cuiuslibet Conscientia

pro